

T-33

Na osnovu člana 16. stav 4. Zakona o Vladi Zeničko - dobojskog kantona - Prečišćeni tekst („Službene novine Zeničko-dobojskog kantona, broj: 7/10 i 3/23), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko - dobojskog kantona, na 128. sjednici, održanoj 08.05.2026. godine, d o n o s i

ZAKLJUČAK

I

Utvrđuje se Prijedlog Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona.

II

Zaključak sa Prijedlogom Odluke iz tačke I ovog zaključka upućuje se u daljnju skupštinsku proceduru.

III

Zaključak stupa na snagu danom donošenja.

Broj: 02- 02- 9333 /26
Datum, 08.05.2026. godine
Zenica



PREMIJER
Nezir Pivić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline
1x Stručna služba Skupštine,
1x a/a.

Na osnovu člana 18. stav (1) tačka j) i člana 37. stav (1) tačka f) Ustava Zeničko-dobojskog kantona i člana 304. stav (2) Zakona o privrednim društvima ("Službene novine Federacije BiH", br. 81/15 i 75/21), Skupština Zeničko-dobojskog kantona, na ____ sjednici održanoj ____ 2026. godine, donosi

ODLUKU
O IZMJENAMA I DOPUNAMA ODLUKE O OSNIVANJU JAVNOG PREDUZEĆA
TELEVIZIJA ZENIČKO-DOBOJSKOG KANTONA

Član 1.
(Dopuna člana 7.)

(1) U Odluci o osnivanju Javnog preduzeća Televizija Zeničko-dobojskog kantona ("Službene novine Zeničko-dobojskog kantona", broj: 10/25) u članu 7. iza tačke k) dodaje se nova tačka l) koja glasi:

„l) 63.12 Internetski portali“.

(2) Dosadašnje tačke l), m), n), o) i p) postaju tačke m), n), o), p) i r).

Član 2.
(Izmjena člana 27.)

Član 27. mijenja se i glasi:

„Član 27.
(Uprava)

(1) Uprava organizira rad, rukovodi poslovanjem, zastupa i predstavlja Preduzeće i odgovara za zakonitost rada i poslovanja.

(2) Upravu Preduzeća čine direktor i jedan ili više izvršnih direktora.

(3) Direktor rukovodi radom Uprave i odgovoran je za cjelokupno poslovanje Preduzeća.

(4) Izvršni direktori pomažu direktoru u radu i rukovođenju Preduzećem, u okviru nadležnosti utvrđenih Statutom i općim aktima Preduzeća.

(5) Broj izvršnih direktora, djelokrug rada, međusobna prava i odgovornosti, te uslovi za imenovanje bliže se uređuju Statutom i općim aktima Preduzeća, u skladu sa zakonom.

(6) Direktor i izvršni direktori imenuju se i razrješavaju u skladu sa zakonom, ovom Odlukom i Statutom Preduzeća.“

Član 3.
(Dopuna člana 29.)

(1) U članu 29. dodaje se stav (3) koji glasi:

“(3) Direktor pisano ovlašćuje jednog od izvršnih direktora da ga zamjenjuje u slučaju spriječenosti i utvrđuje ovlaštenja“.

Član 4.
(Dopuna člana 30.)

(1) U članu 30. iza riječi „direktor“ dodaju se riječi „i jedan ili više izvršnih direktora“, a riječ „ima“ zamjenjuje se riječju „imaju“.

Član 5.
(Izmjena člana 31.)

Član 31. mijenja se i glasi:

„Član 31.
(Zastupanje)

- (1) Direktor zastupa i predstavlja Preduzeće u unutrašnjem i vanjskotrgovinskom prometu u skladu sa Statutom Preduzeća.
- (2) Izvršni direktori se imenuju u skladu sa članom 27. ove Odluke, a njihov rad i ovlaštenja biće detaljnije propisana Statutom Preduzeća.
- (3) Izvršni direktori, u granicama svojih ovlaštenja, raspoložu novčanim sredstvima Preduzeća do iznosa utvrđenog Statutom Preduzeća
- (4) Izvršni direktori se upisuju u Sudski registar sa ograničenjem iz stava (3) ovog člana.

Član 6.
(Izmjena člana 37.)

U Članu 37. mijenja se stav (2) i glasi:

“(2) Statut Preduzeća je osnovni opći akt kojim se uređuju najvažnija pitanja organizacije, poslovanja, upravljanja i odgovornosti preduzeća.

Član 7.
(Izmjena člana 43)

Član 43. mijenja se i glasi:

„Član 43.
(Privremeno vršenje osnivačkih prava i registracija Preduzeća)

- (1) Do okončanja postupka registracije Preduzeća i konstituisanja organa Preduzeća u skladu sa ovom Odlukom, osnivačka prava u ime Osnivača vrši Vlada Kantona.
- (2) Vlada Kantona imenovat će vršioci dužnosti predsjednika i članova Skupštine Preduzeća, te utvrditi prijedlog za vršioci dužnosti predsjednika i članove Nadzornog odbora Preduzeća koje imenuje Skupština Preduzeća, radi provođenja postupka registracije i uspostavljanja rada Preduzeća, a nakon registracije Preduzeća, vršioci dužnosti nastavljaju obavljati funkciju do okončanja postupka konačnog imenovanja u skladu sa zakonom i drugim propisima, a najviše na period od tri mjeseca.
- (3) Skupština Preduzeća donijet će Statut Preduzeća u roku od 60 dana od dana imenovanja.
- (4) Ovlašćuje se Vlada Kantona da posebnom odlukom odredi i ovlasti lice koje će, u ime osnivača, podnijeti prijavu za upis osnivanja Preduzeća u sudski registar, potpisati i predati potrebne prijave, podnijeti zahtjev banci za otvaranje privremenog računa za uplatu osnivačkog kapitala, obrasce i druge isprave, vršiti dopune i ispravke prijave, preuzimati akte registarskog suda, te preduzimati sve druge pravne i faktičke radnje potrebne za provođenje postupka registracije Preduzeća pred nadležnim registarskim sudom i drugim nadležnim organima.
- (5) Nakon postupka registracije Preduzeća, Nadzorni odbor će na prijedlog Vlade Kantona, imenovati vršioca dužnosti direktora Preduzeća do konačnog imenovanja direktora, a najduže na period od tri mjeseca. Vršilac dužnosti direktora ovlašten je da organizuje početak rada Preduzeća, zastupa i predstavlja Preduzeće i predloži donošenje općih akata neophodnih za funkcionisanje Preduzeća.
- (6) Vršioci dužnosti predsjednika i članova Skupštine Preduzeća i Nadzornog odbora Preduzeća i lice iz stava (4) i vršilac dužnosti direktora iz stava (5) ovog člana ostvaruju pravo na naknadu



za rad u skladu sa aktom Vlade Kantona, a sredstva za isplatu naknada obezbjeđuju se iz sredstava osnivača, odnosno nadležnog ministarstva iz člana 40. ove Odluke, a nakon registracije iz sredstava Preduzeća.

(7) Administrativne, stručne i tehničke poslove u vezi sa provođenjem ove odluke, do registracije i početka rada Preduzeća, obavlja nadležno ministarstvo.“

Član 8.
(Stupanje na snagu Odluke)

Ova Odluka stupa na snagu danom donošenja i objavit će se u "Službenim novinama Zeničko-dobojskog kantona".

Predsjedavajući Skupštine
Ćazim Huskić



OBRAZLOŽENJE

I – PRAVNI OSNOV

Pravni osnov za donošenje ove Odluke sadržan je u članu 18. stav (1) tačka j) i članu 37. stav (1) tačka f) Ustava Zeničko-dobojskog kantona i članu 304. stav (2) Zakona o privrednim društvima ("Službene novine Federacije BiH", br. 81/15 i 75/21).

II – RAZLOZI ZA DONOŠENJE

Skupština Zeničko-dobojskog kantona je na 41. sjednici održanoj 30.06.2025. godine, donijela Odluku o osnivanju Javnog preduzeća Televizija Zeničko-dobojskog kantona ("Službene novine Zeničko-dobojskog kantona", broj: 10/25).

Nakon imenovanja privremenih organa Preduzeća, Skupštine i Nadzornog odbora, kao i vršioca dužnosti direktora Preduzeća, u pripremi usvajanja Statuta Preduzeća radi podnošenja prijave Općinskom sudu u Zenici za upis Javnog preduzeća Televizija Zeničko-dobojskog kantona d.o.o. Zenica u Registar pravnih lica utvrđeno je da je potrebno dodatno normativno usklađivanje osnivačkog akta radi:

- proširenja registrovane djelatnosti u skladu sa savremenim medijskim poslovanjem,
- preciznijeg uređenja strukture i funkcionisanja Uprave,
- usklađivanja odredbi o zastupanju sa organizacionim modelom uprave sa izvršnim direktorima,
- jasnijeg definisanja ovlaštenja u prelaznom periodu do potpunog konstituisanja organa preduzeća, i
- otklanjanja pravnih nejasnoća i osiguranja potpune provedivosti osnivačkog akta u postupku registracije i operativnog rada.

Predložene izmjene imaju za cilj jačanje pravne sigurnosti, funkcionalnosti upravljačke strukture i usklađenosti sa važećim zakonodavstvom.

Predložene izmjene i dopune predstavljaju pravno opravdano, funkcionalno i sistemski usklađeno unapređenje osnivačkog akta Javnog preduzeća Televizija Zeničko-dobojskog kantona d.o.o. Zenica.

S obzirom da se predloženim izmjenama i dopunama osnivačkog akta povećava pravna preciznost, unapređuje korporativno upravljanje, osigurava zakonita implementacija, jača institucionalna održivost i omogućava razvoj savremenog javnog medijskog servisa, predlaže se donošenje ove odluke.

III – PRAVNA RJEŠENJA

Ova Odluka ima samo osam članova.

U članu 1., predloženom dopunom člana 7. proširuje se predmet poslovanja Preduzeća dodavanjem djelatnosti „63.12 Internetski portali“.

U članu 2., izmjenom člana 27. detaljnije se uređuje sastav, nadležnost i način imenovanja Uprave Preduzeća.

U članu 3., dopunom člana 29. uređuje se pitanje zamjene direktora u slučaju njegove odsutnosti ili spriječenosti.

U članu 4., tehničko-pravnom izmjenom termin „direktor“ zamjenjuje se terminom „Uprava“ a zbog potrebe usklađivanja sa novom organizacionom strukturom i radi osiguranja terminološke dosljednosti kroz cijeli osnivački akt.

U članu 5., izmjenom člana 31. preciznije se uređuje sistem zastupanja i finansijskih ovlaštenja, omogućava se efikasnije poslovanje, uspostavljajući balans između operativne efikasnosti i pravne i finansijske kontrole.

U članu 6., izmjenom stava (2) u članu 37. izvršeno je usklađivanje sa izmijenjenim članom 43. Odluke kojim je regulisano privremeno vršenje osnivačkih prava i registracija Preduzeća.

U članu 7., izmjenom člana 43. sveobuhvatno se uređuje prelazni period do potpunog konstituisanja organa Preduzeća, njegove registracije u potrebnim registrima i početka poslovanja.

U članu 8. je definirano stupanje na snagu Odluke, tako što se omogućava hitna primjena i osigurava pravovremeno provođenje postupaka imenovanja, registracije i organizacije.

IV-FINANSIJSKA SREDSTVA

Za realizaciju ove odluke nisu potrebna dodatna sredstva u Budžetu Zeničko-dobojskog kantona za 2026.godinu („Službene novine Zeničko-dobojskog kantona“, broj: 24/25 i 5/26).



Broj: 03-02-7306-6/26
Zenica, 07.05.2026. godine

**MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE
ZENIČKO-DOBOJSKOG KANTONA**

**PREDMET: Mišljenje o Prijedlogu Odluke o izmjenama i dopunama Odluke o osnivanju
Javnog preduzeća Televizija Zeničko-dobojskog kantona- dostavlja se**
- Veza Vaš akt broj: 12-02-7306-5/26 od 06.05.2026. godine -

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), te uvidom u tekst Prijedloga Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Prijedlog Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona (u daljem tekstu: Prijedlog Odluke) je pravilno utvrđen.

Imajući u vidu odredbu člana 13. Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05, 81/08, 22/09 i 109/12), kojom se propisuje da direktor i izvršni direktori podliježu dužnostima, odgovornostima i ograničenjima utvrđenim ovim zakonom i drugim važećim propisima, a ne propisuje se imperativno obavezna struktura uprave u smislu postojanja izvršnih direktora, može se zaključiti da zakon ostavlja mogućnost izbora u pogledu organizacije uprave. Stoga, opredjeljenje predlagača da, pored direktora, imenuje i jednog ili više izvršnih direktora predstavlja dopušteno i sa zakonom usklađeno rješenje.

Zakonom o registraciji poslovnih subjekata u Federaciji Bosne i Hercegovine propisano je da postupak registracije pokreće podnosilac prijave, odnosno osnivač ili lice ovlašteno osnivačkim aktom, punomoći ili drugim pravnim osnovom za podnošenje prijave za upis u sudski registar. Također je propisano da osnivači prijavu mogu podnijeti lično ili putem ovlaštenog predstavnika, zastupnika ili punomoćnika, te da se uz prijavu dostavlja odluka o imenovanju lica ovlaštenog za zastupanje i ovjeren potpis tog lica. Na upis osnivanja javnog preduzeća shodno se primjenjuju odredbe koje uređuju registraciju društva sa ograničenom odgovornošću.

Zakonom o privrednim društvima propisano je da društvo zastupa uprava, da uprava organizira rad i rukovodi poslovanjem društva, zastupa i predstavlja društvo i odgovara za zakonitost poslovanja. Istim zakonom propisano je da upravu čine lica određena osnivačkim aktom ili statutom



društva, te da se lica ovlaštena za zastupanje upisuju u sudski registar. Nadalje, zakon propisuje da društvo svojstvo pravnog lica stiče danom upisa u sudski registar.

Zakonom o javnim preduzećima u Federaciji Bosne i Hercegovine propisano je da su organi javnog preduzeća skupština, nadzorni odbor, uprava i odbor za reviziju. S obzirom da u momentu osnivanja i prije registracije Preduzeća nije moguće provesti redovnu konkursnu proceduru niti konstituisati organe Preduzeća u punom mandatu, smatramo da su odredbe o privremeno vršenju ovlaštenja usklađene kao prjelazno rješenje s tim da se predlaže da se u članu 7. kojim se mijenja član 43. u stavu (2) iza riječi „te“ dodaju riječi „utvrditi prijedlog za“, a iza riječi „Nadzornog odbora Preduzeća „dodaju riječi „koje imenuje Skupština Preduzeća“

Imajući u vidu navedeno smatramo da je Prijedlog Odluke usklađen s pravnim sistemom iz ove oblasti i urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08), te se isti može razmatrati na jednoj od narednih sjednica Vlade Zeničko-dobojskog kantona.

Dostavljeno:
1x naslovu,
1x a/a.





Broj: 06/02-02-7306-2/26
Zenica, 07.05.2026. godine

**MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE**

**PREDMET: Mišljenje na Prijedlog Odluke o izmjenama i dopunama Odluke o osnivanju
Javnog preduzeća „Televizija Zeničko-dobojskog kantona“ d.o.o. Zenica,
dostavlja se**

Veza vaš akt broj: 12-02-7306-6/26 od 06.05.2026. godine

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22) i članom 31. stav (1) tačka b) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), a na osnovu uvida u ponovo dostavljeni tekst Prijedlog Odluke o izmjenama i dopunama Odluke o osnivanju Javnog preduzeća „Televizija Zeničko-dobojskog kantona“ d.o.o. Zenica (u daljem tekstu: Prijedlog Odluke), a u postupku analize provedene s ciljem utvrđivanja usklađenosti iste sa:

- Zakonom o prekršajima („Službene novine Federacije Bosne i Hercegovine“, broj: 63/14 i „Sl. glasnik BiH“, broj: 41/22 - odluka US BiH i 68/22 - odluka US BiH i „Službene novine Federacije Bosne i Hercegovine“, broj: 19/25),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22),
- Europskom konvencijom o zaštiti ljudskih prava i sloboda i drugim pravima, te drugim instrumentima zaštite ljudskih prava, koji imaju pravnu snagu ustavnih odredaba, daje se:

MIŠLJENJE

U skladu sa članom 11. Zakona o kantonalnim ministarstvima i drugim tijelima kantonalne uprave, a u postupku davanja Mišljenja na dostavljeni akt broj i datum gornji Ministarstvo za pravosuđe i upravu Zeničko-dobojskog kantona, sa aspekta svoje nadležnosti, nema primjedbi na dostavljeni Prijedlog Odluke.

Dostaviti:
1x Naslovu,
1x a/a.



MINISTAR

Nebojša Nikolić



Broj: 07-02-7306-7/26
Zenica, 07.05.2026. godine

**MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE**

PREDMET: Mišljenje na Prijedlog Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona - *dostavlja se*

Ministarstvo finansija je razmotrilo Prijedlog Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona, koji je dostavljen na mišljenje uz akt Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-02-7306-7/26 od 06.05.2026. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“, a članom 42. stav 1. istog Zakona, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

Članom 30. stav (1) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je da obrazloženje propisa, između ostalog sadrži „visinu i izvor finansijskih sredstava potrebnih za provođenje propisa“, a članom 63. stav (1) Jedinствениh pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisano je da: „Obrazloženje finansijskih sredstava sadrži procjenu potrebnih sredstava, izvora i metoda osiguranja tih sredstava za provođenje propisa.“

U Obrazloženju Prijedloga Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona, u dijelu „IV-FINANSIJSKA SREDSTVA“, je

navedeno: „Za realizaciju ove odluke nisu potrebna dodatna sredstva u Budžetu Zeničko-dobojskog kantona za 2026. godinu...“.

Također i u Izjavi o fiskalnoj procjeni – Obrazac IFP-NE od 06.05.2026. godine, navedeno je: „Za donošenje Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona nisu potrebna dodatna sredstva u Budžetu Zeničko-dobojskog kantona za 2026. godinu...“

Dakle, iz navedenih akata Ministarstva za prostorno uređenje, promet i komunikacije i zaštitu okoline Zeničko-dobojskog kantona, proizilazi stav obrađivača akta da za donošenje i realizaciju navedene Odluke „nisu potrebna dodatna sredstva u Budžetu Zeničko-dobojskog kantona za 2026. godinu“.

Odbredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

S tim u vezi, u slučaju eventualne potrebe za dodatnim sredstvima za realizaciju navedene Odluke, nedostajuća finansijska sredstva obavezno je obezbijediti Ministarstvo za prostorno uređenje, promet i komunikacije i zaštitu okoline, kroz uštede ili unutrašnje preraspodjele sredstava.

Ministarstvo finansija ne snosi odgovornost za pravna rješenja predložena od strane obrađivača u Prijedlogu Odluke.

Naime, odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je: „Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

Imajući u vidu gore navedeno Obrazloženje Prijedloga Odluke i Izjavu o fiskalnoj procjeni propisa, Ministarstvo finansija nema drugih primjedbi i sugestija iz svoje nadležnosti.

S poštovanjem!

Dostavljeno:

1x Naslovu,

1x a/a.





Godina XXX - Broj 10

ZENICA, srijeda, 09.07.2025.god.

SKUPŠTINA

665.

Na osnovu člana 37. stav (1) tačka f) Ustava Zeničko-dobojskog kantona, Skupština Zeničko-dobojskog kantona, na 41. sjednici, održanoj dana 30.06.2025. godine, donosi

**ZAKON
O IZMJENAMA I DOPUNAMA ZAKONA
O INSPEKCIJAMA ZENIČKO-DOBOJSKOG
KANTONA**

Član 1.**(Izmjena i dopuna člana 17.)**

(1) U Zakonu o inspekcijama Zeničko dobojskog kantona („Službene novine Zeničko-dobojskog kantona”, broj: 6/11, 15/21 i 18/24), u članu 17., u tački v) iza riječi „zaštite” interpunkcijski znak „tačka” se zamjenjuje interpunkcijskim znakom „tačka-zarez”.

(2) Iza tačke v) dodaje se nova tačka z) koja glasi:

„z) kantonalna inspekcija za hranu.”

Član 2.**(Izmjena i dopuna člana 19.)**

(1) U članu 19. u tački v) iza riječi „zaštite” interpunkcijski znak „tačka” se zamjenjuje interpunkcijskim znakom „tačka-zarez”.

(2) Iza tačke v) dodaje se nova tačka z) koja glasi:

„z) kantonalni inspektor za hranu.”

Član 3.**(Stupanje na snagu)**

Ovaj Zakon stupa na snagu osmog dana od dana objavljivanja u „Službenim novinama Zeničko dobojskog kantona”.

Broj: 01-02-12718/25
Datum, 30.06.2025. godine
Zenica

PREDSJEDAVALAČI**Čazim Huskić, s.r.**

666.

Na osnovu člana 18. stav (1) tačka j) i člana 37. stav (1) tačka f) Ustava Zeničko-dobojskog kantona i člana 304. stav (2) Zakona o privrednim društvima („Službene novine Federacije BiH”, broj: 81/15 i 75/21) Skupština Zeničko-dobojskog kantona, na 41. sjednici, održanoj 30.06.2025. godine, donosi:

ODLUKU**O OSNIVANJU JAVNOG PREDUZEĆA
TELEVIZIJA ZENIČKO-DOBOJSKOG KANTONA****DIO PRVI – OSNOVNE ODREDBE****Član 1.****(Predmet)**

Ovom Odlukom Skupština Zeničko-dobojskog kantona, ul. Kučukovići 2, Zenica, (u daljnjem tekstu: Osnivač) osniva Javno preduzeće "Televizija Zeničko-dobojskog kantona" d.o.o. Zenica (u daljnjem tekstu: Preduzeće), od javnog interesa za Zeničko-dobojski kanton

(u daljnjem tekstu: Kanton), te se uređuje: naziv i sjedište Preduzeća, djelatnost Preduzeća, iznos osnovnog kapitala, prava i odgovornosti u pravnom prometu, organi Preduzeća, unutrašnja organizacija, prava i obaveze osnivača i radnika, programski savjet, planiranje poslovanja i razvoja i poslovne knjige, utvrđivanje i raspoređivanje dobiti i pokriće gubitka, opći akti Preduzeća, trajanje i prestanak Preduzeća, način izmirenja troškova osnivanja Preduzeća i posljedice neuspjelog osnivanja i prelazne i završne odredbe.

Član 2.

(Organizacioni oblik Preduzeća)

Preduzeće, u skladu sa Zakonom o javnim preduzećima u Federaciji Bosne i Hercegovine („Službene novine Federacije BiH”, broj: 8/05, 81/08, 22/09 i 109/12) i Zakonom o privrednim društvima („Službene novine Federacije BiH”, broj: 81/15 i 75/21) djeluje kao društvo sa ograničenom odgovornošću.

Član 3.

(Imovina i sredstva Preduzeća)

Imovina i sredstva Preduzeća su vlasništvo Preduzeća.

DIO DRUGI – NAZIV I SJEDIŠTE PREDUZEĆA

Član 4.

(Naziv Preduzeća)

- (1) Preduzeće posluje pod nazivom: Javno preduzeće „Televizija Zeničko-dobojskog kantona“ društvo sa ograničenom odgovornošću Zenica.
- (2) Skraćeni naziv: JP „TV ZDK“ d.o.o. Zenica.

Član 5.

(Sjedište Preduzeća)

Sjedište Preduzeća je u Zenici, na adresi: Ulica Mehmedalije Tarabara br. 15.

Član 6.

(Pečat Preduzeća)

- (1) Preduzeće ima pečat okruglog oblika u kojem je ispisan puni naziv Preduzeća i štambilj četvrtastog oblika, koji sadrži puni naziv Preduzeća.
- (2) Broj pečata i štambilja, upotreba, rukovanje, način čuvanja i uništenja pečata i štambilja utvrdit će se općim aktom koji donosi Uprava Preduzeća.

DIO TREĆI – DJELATNOST PREDUZEĆA

Član 7.

(Djelatnost Preduzeća)

Preduzeće obavlja djelatnost, i to:

- a) 18.20 Umnožavanje snimljenih zapisa
- b) 47.91 Trgovina na malo preko pošte ili interneta
- c) 59.11 Proizvodnja filmova, videofilmova i televizijskog programa
- d) 59.12 Djelatnosti koje slijede nakon proizvodnje filmova, videofilmova i televizijskog programa
- e) 59.20 Djelatnost snimanja zvučnih zapisa i izdavanja glazbenih zapisa
- f) 60.10 Emitiranje radijskog programa
- g) 60.20 Emitiranje televizijskog programa
- h) 61.10 Djelatnost žičane telekomunikacije
- i) 61.20 Djelatnost bežične komunikacije
- j) 61.30 Djelatnost satelitske komunikacije
- k) 61.90 Ostale telekomunikacijske djelatnosti
- l) 73.11 Agencije za promidžbu (reklamu i propagandu)
- m) 73.12 Oglašavanje preko medija
- n) 73.20 Istraživanje tržišta i ispitivanje javnog mnijenja
- o) 77.39 Iznajmljivanje i davanje u zakup (leasing) ostalih strojeva, opreme i materijalnih dobara, d.n.
- p) 82.30 Organizacija sastanaka i poslovnih sajmova.

Član 8.

(Vanjskotrgovinsko poslovanje)

Djelatnost Preduzeća u vanjskotrgovinskom poslovanju glasi:

- a) vanjskotrgovinski promet u okviru registrovane djelatnosti,
- b) usluge u vanjskotrgovinskom prometu u okviru registrovane djelatnosti,
- c) zastupanje stranih lica u okviru registrovane djelatnosti,
- d) posredovanje i zastupanje u prometu roba i usluga.

Član 9.
(Obavljanje drugih djelatnosti)

- (1) Preduzeće može obavljati poslove samo u okviru djelatnosti upisane u sudski registar.
- (2) Preduzeće može obavljati i druge poslove koji se uobičajeno obavljaju uz djelatnosti upisane u sudski registar, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

Član 10.
(Ugovori o poslovno-tehničkoj saradnji)

U svrhu produkcije i emitovanja televizijskog programa Preduzeće može sklapati ugovore o poslovno-tehničkoj saradnji sa drugim društvima čija je djelatnost emitovanje ili proizvodnja televizijskog programa.

Član 11.
(Program Preduzeća)

Program Preduzeća uređivat će se i proizvoditi u skladu sa zakonom i propisima Regulatorne agencije za komunikacije Bosne i Hercegovine, uz poštovanje profesionalnih standarda, novinarske etike i drugih uobičajenih pravila i kriterija profesije.

Član 12.
(Emitovanje programskog sadržaja)

- (1) Druga pravna i fizička lica ne mogu, bez saglasnosti Preduzeća, emitovati programske sadržaje Preduzeća, niti vršiti njihovo snimanje u svrhu umnožavanja i daljne prodaje.
- (2) Lica iz stava (1) ovog člana mogu, u skladu sa zakonom, emitovati samo kratke izvode iz kulturnih, sportskih i drugih događaja, od interesa za javnost, koje Preduzeće direktno prenosi.

DIO ČETVRTI - OSNOVNI KAPITAL PREDUZEĆA

Član 13.
(Iznos osnovnog kapitala Preduzeća)

- (1) Osnovni kapital Preduzeća čini novac iskazan u iznosu od 10.000,00 KM (slovima: desethiljada i 00/100 KM), koji će se osigurati iz Budžeta Kantona.
- (2) Osnovni kapital Preduzeća čini udio Osnivača u iznosu od 10.000,00 KM (slovima: desethiljada i 00/100 KM) ili 100%.

(3) Osnivač je dužan osnivački ulog u iznosu navedenom u stavu (2) uplatiti na privremeni račun kod Banke do dana podnošenja prijave za upis osnivanja Preduzeća u sudski registar.

(4) Iznos osnivačkog uloga iz stava (3) ovog člana Preduzeće će kao osnovni kapital prenijeti na transakcijski račun Preduzeća i s njim raspolagati isključivo u skladu sa Zakonom.

(5) Osnovni iznos kapitala se ne može smanjivati ispod zakonskog minimuma od 1.000,00 KM (slovima: jednahiljada i 00/100 KM).

Član 14.
(Povećanje i smanjenje kapitala)

Povećanje i smanjenje osnovnog kapitala vrši se u skladu sa odredbama Zakona o privrednim društvima i drugim relevantnim važećim propisima.

Član 15.
(Finansiranje Preduzeća)

Djelatnost Preduzeća se finansira iz sredstava koja se obezbjeđuju obavljanjem djelatnosti, sredstava donatora i sponzora, te i iz sredstava Budžeta Kantona.

Član 16.
(Sredstva Preduzeća)

Sredstva Preduzeća u toku poslovanja čine stvari, prava i novac.

DIO PETI - PRAVA, OBAVEZE I ODGOVORNOSTI U PRAVNOM PROMETU

Član 17.
(Prava, obaveze i odgovornosti Preduzeća)

Sredstva Preduzeća su u pravnom prometu.

Preduzeće u pravnom prometu zaključuje ugovore i sporazume i vrši druge pravne poslove i radnje.

Član 18.
(Odgovornost Preduzeća za svoje obaveze)

- (1) Preduzeće svojstvo pravnog lica stiče danom upisa u sudski registar.
- (2) Preduzeće odgovara za svoje obaveze cjelokupnom svojom imovinom.

(3) Osnivač odgovara za obaveze Preduzeća do visine osnivačkog uloga.

DIO ŠESTI - ORGANI PREDUZEĆA

Član 19.

(Organi Preduzeća)

Organi Preduzeća su:

- a) Skupština,
- b) Nadzorni odbor,
- c) Uprava, kao organ upravljanja i,
- d) Odbor za reviziju.

POGLAVLJE I. SKUPŠTINA PREDUZEĆA

Član 20.

(Skupština Preduzeća)

- (1) U ime Osnivača, prava i obaveze vrši Skupština Preduzeća.
- (2) Skupštinu Preduzeća čine predsjednik i dva člana koje imenuje Vlada Kantona na period od četiri godine, sa mogućnošću ponovnog imenovanja.
- (3) Odluku o imenovanju predsjednika i članova Skupštine Preduzeća donosi Vlada Kantona u ime Osnivača, a provođenje postupka izbora predsjednika i članova Skupštine Preduzeća, shodno odredbama Zakona kojim se uređuju ministarska, vladina i druga imenovanja, provodi Ministarstvo za prostorno uređenje, promet i komunikacije i zaštitu okoline Kantona (u daljnjem tekstu: Ministarstvo).
- (4) Posebni uvjeti za imenovanje člana Skupštine Preduzeća propisani su odlukom Vlade Kantona kojom se utvrđuju standardi i kriteriji za imenovanja/nominiranja na upražnjene pozicije u reguliranim tijelima Kantona.
- (5) Skupština poslove iz svoje nadležnosti vrši na sjednicama, koje se održavaju u sjedištu Preduzeća.
- (6) Rad Skupštine reguliše se Poslovníkom o radu koji je Skupština Preduzeća dužna usvojiti u roku od 15 dana od dana imenovanja.
- (7) Naknada za rad u Skupštini Preduzeća utvrđuje se aktom Vlade Kantona.

Član 21.

(Nadležnosti Skupštine Preduzeća)

- (1) Skupština Preduzeća je nadležna da odlučuje o:
 - a) donošenju Statuta Preduzeća, kao i o njegovim izmjenama i dopunama;
 - b) raspodjeli godišnje dobiti i pokriću gubitka;
 - c) povećanju i smanjenju osnovnog kapitala;
 - d) osnivanju novih društava;
 - e) planu poslovanja, investiranju i trajnoj poslovnoj saradnji, odnosno povezivanju sa drugim društvima;
 - f) donosi Etički kodeks i Poslovník Skupštine;
 - g) imenovanju i razrješenju Nadzornog odbora i Odbora za reviziju;
 - h) naknadama članova Nadzornog odbora i Odbora za reviziju;
 - i) usvajanju godišnjeg izvještaja o poslovanju Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju;
 - j) rasporedu dobiti;
 - k) načinu pokrića gubitka;
 - l) kupovini, prodaji, zamjeni ili davanju u lizing, uzimanju ili davanju kredita i drugim transakcijama imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Uprave i Nadzornog odbora;
 - m) promjeni oblika i podjeli Preduzeća;
 - n) ostalim pitanjima u skladu sa Zakonom o privrednim društvima, Zakonom o javnim preduzećima i Statutom Preduzeća.
- (2) Kod donošenja Statuta Preduzeća i njegove izmjene i dopune, odluke o povećanju i smanjenju osnovnog kapitala, odluke o pokriću gubitka, statusne promjene Preduzeća, Skupština Preduzeća je obavezna pribaviti saglasnost Vlade Kantona.

Član 22.
(Izveštaj o radu)

Skupština Preduzeća podnosi Osnivaču najmanje jednom godišnje Izveštaj o radu i poslovanju Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju.

Član 23.
(Razrješenje članova Skupštine)

Vlada Kantona može razriješiti predsjednika i članove Skupštine Preduzeća i prije roka na koji su imenovani kad:

- a) Predsjednik ili član Skupštine Preduzeća izgubi povjerenje Vlade Kantona,
- b) Vlada Kantona odbije usvojiti godišnji izvještaj Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju, i
- c) Predsjednik ili član Skupštine Preduzeća podnese ostavku na dužnost u Skupštini Preduzeća.

POGLAVLJE II. NADZORNI ODBOR

Član 24.
(Nadzorni odbor)

- (1) Preduzeće ima Nadzorni odbor koji se sastoji od predsjednika i dva člana, koje imenuje i razrješava Skupština Preduzeća, u skladu sa prijedlogom kojeg utvrdi Vlada Kantona.
- (2) Predsjednik i članovi Nadzornog odbora imenuju se istovremeno na period od četiri godine, s tim da po isteku perioda od dvije godine od dana imenovanja Skupština Preduzeća glasa o povjerenju predsjedniku i članovima Nadzornog odbora.
- (3) Ministarstvo provodi postupak izbora kandidata za predsjednika i člana Nadzornog odbora, shodno odredbama Zakona kojim se uređuju ministarska, vladina i druga imenovanja.
- (4) Za predsjednika i članove Nadzornog odbora ne može biti imenovano lice iz člana 248. Zakona o privrednim društvima.
- (5) Rad Nadzornog odbora će se detaljnije regulisati Poslovnikom o radu Nadzornog odbora, u skladu sa Zakonom o privrednim društvima i Zakonom o javnim preduzećima.

- (6) Naknada i druga prava članova Nadzornog odbora određuju se aktom Skupštine Preduzeća, uz saglasnost Vlade Kantona.

Član 25.
(Nadležnosti Nadzornog odbora)

Nadzorni odbor nadležan je da:

- a) na konstituirajućoj sjednici izabere predsjednika i zamjenika predsjednika Nadzornog odbora;
- b) nadzire poslovanje Preduzeća, usvaja poslovne strategije Preduzeća i planove poslovanja;
- c) imenuje i razrješava upravu Preduzeća, uz saglasnost Vlade Kantona;
- d) odobrava odluke strateškog karaktera;
- e) usvaja izvještaj Uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- f) podnosi Skupštini godišnji izvještaj o poslovanju Preduzeća koji obavezno uključuje finansijski izvještaj i izvještaj revizora, Nadzornog odbora i Odbora za reviziju;
- g) odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- h) predlaže Skupštini Preduzeća kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- i) daje mišljenje Skupštini o prijedlogu uprave za raspodjelu dobiti;
- j) predlaže način pokrića gubitka;
- k) priprema i predlaže poslovničke, etičke kodekse i druge akte koje usvaja Skupština Preduzeća;
- l) vrši izbor kandidata Odbora za reviziju i podnosi prijedlog za imenovanje Skupštini Preduzeća nakon provedenog javnog konkursa;
- m) razmatra i nadzire postupak javnih nabavki;

- n) odlučuje po prigovorima radnika iz radnog odnosa kao drugostepeni organ;
- o) daje upute direktoru za provođenje preporuka, mjera i aktivnosti u vezi sa uočenim nepravilnostima;
- p) za ostala pitanja u skladu sa Zakonom o privrednim društvima, Zakonom o javnim preduzećima i Statutom Preduzeća.

Član 26.

(Razrješenje članova Nadzornog odbora)

Skupština Preduzeća može, uz saglasnost Vlade Kantona, razriješiti predsjednika i članove Nadzornog odbora i prije roka na koji su imenovani kad:

- a) Nadzorni odbor ili njegov član izgubi povjerenje Skupštine Preduzeća,
- b) Skupština Preduzeća odbije usvojiti godišnji izvještaj Preduzeća koji uključuje finansijski izvještaj i izvještaje revizora, Nadzornog odbora i Odbora za reviziju,
- c) kad u toku mandata predsjednika ili člana Nadzornog odbora nastupe okolnosti iz člana 248. Zakona o privrednim društvima, i
- d) Predsjednik ili član Nadzornog odbora podnese ostavku na dužnost u Nadzornom odboru.

POGLAVLJE III. UPRAVA PREDUZEĆA

Član 27.

(Uprava)

- (1) Uprava organizira rad i rukovodi poslovanjem, zastupa i predstavlja Preduzeće i odgovara za zakonitost poslovanja.
- (2) Funkciju uprave vrši direktor Preduzeća.
- (3) Uprava se bira, imenuje i razrješava u skladu sa postupkom utvrđenim u Statutu, a na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća. U Upravi ne može biti imenovano lice koje vrši funkciju u političkim strankama.
- (4) Direktor Preduzeća podliježe dužnostima, odgovornostima i ograničenjima utvrđenim važećim propisima.
- (5) Mandat direktora je četiri godine.

Član 28.

(Nadležnosti Uprave)

Uprava je nadležna za:

- a) izvještavanje Nadzornog odbora na zahtjev Nadzornog odbora;
- b) provedbu Etičkog kodeksa;
- c) izradu i nadgledanje planova poslovanja;
- d) izradu provedbenih propisa za postupak nabavki i provedbu Zakona o javnim nabavkama;
- e) pripremu prijedloga o raspodjeli dobiti;
- f) zapošljavanje i otpuštanje radnika u skladu sa postupcima utvrđenim u poslovniku ili poslovniciama te važećim zakonima;
- g) odlučivanje o pravima i obavezama radnika iz radnog odnosa;
- h) pripremu prijedloga cijena proizvoda i usluga;
- i) pripremu prijedloga općih akata i dostavljanje na usvajanje Nadzornom odboru,
- j) ostala pitanja u skladu sa Zakonom o privrednim društvima, Zakonom o javnim preduzećima i Statutom Preduzeća.

Član 29.

(Ovlaštenje)

- (1) Direktor je ovlašten da u ime Preduzeća zaključuje ugovore i vrši druge pravne poslove i radnje, kao i da zastupa Preduzeće pred sudom i drugim organima.
- (2) Direktor poduzima sve radnje vezane za registraciju Preduzeća kod nadležnih organa.

Član 30.

(Plaća)

Direktor ima pravo na plaću u skladu sa Statutom i općim aktima Preduzeća.

Član 31.

(Zastupanje)

Direktor zastupa i predstavlja Preduzeće u unutrašnjem i vanjskotrgovinskom prometu u skladu sa Statutom Preduzeća.

POGLAVLJE IV. ODBOR ZA REVIZIJU**Član 32.
(Odbor za reviziju)**

- (1) U preduzeću se formira Odbor za reviziju.
- (2) Odbor za reviziju ima predsjednika i dva člana.
- (3) Postupak izbora, imenovanja, razrješenja, sastav i način odlučivanja Odbora za reviziju utvrđuje se Statutom Preduzeća.
- (4) Predsjednik i član Odbora za reviziju ne može biti član Nadzornog odbora i uprave, zaposlen niti imati direktni ili indirektni finansijski interes u Preduzeću izuzev naknade na osnovu funkcije.
- (5) Naknada i druga prava članova Odbor za reviziju određuju se odlukom Skupštine Preduzeća, uz saglasnost Vlade Kantona.
- (6) Odbor za reviziju je dužan izvršiti reviziju polugodišnjeg i godišnjeg obračuna i istovremeno kontrolu usklađenosti poslovanja Preduzeća i funkcioniranja organa Preduzeća sa Zakonom o privrednim društvima, Zakonom o javnim preduzećima, drugim relevantnim propisima i osnovnim principima korporativnog upravljanja i o tome dostaviti izvještaj Skupštini i Nadzornom odboru najkasnije osam dana po okončanju revizije.
- (7) Odbor za reviziju dužan je da:
 - a) imenuje vanjskog revizora i direktora odjela za internu reviziju u slučaju njene uspostave;
 - b) razmatra godišnju studiju rizika i plan revizije u skladu sa zakonima;
 - c) osigurava uslove Odjelu za internu reviziju da izvrši svoje obaveze u skladu sa planom revizije i međunarodnim revizorskim standardima;
 - d) zahtijeva sazivanje sjednice Skupštine Preduzeća i Nadzornog odbora kada smatra da su ugroženi interesi vlasnika ili nepravilnosti u radu predsjednika ili članova Nadzornog odbora ili Uprave;
 - e) preduzima mjere da interna kontrola u Preduzeću bude adekvatna i efikasna;

- f) podnosi mjesečne izvještaje Nadzornom odboru Preduzeća o radu i preduzetim mjerama;
- g) vrši ostale poslove u skladu sa Zakonom o privrednim društvima, Zakonom o javnim preduzećima i Statutom Preduzeća.

**DIO SEDMI - UNUTRAŠNJA ORGANIZACIJA
PREDUZEĆA****Član 33.
(Način poslovanja)**

- (1) Preduzeće posluje kao jedinstveni pravni subjekt, čije će se poslovanje, organizacija, način vođenja poslovnih knjiga kao i ostala pitanja od značaja za organizaciju i rad Preduzeća detaljnije urediti Statutom Preduzeća, u skladu sa Zakonom.
- (2) Preduzeće može imati i svoje podružnice, čije će se osnivanje vršiti u skladu sa Zakonom.
- (3) Preduzeće planira svoje poslovanje i razvoj i odlučuje o vrsti i sadržini planova poslovanja i razvoja Preduzeća.
- (4) Preduzeće planiranje poslovanja i razvoja prilagođava ciljevima radi kojih je osnovano i uslovima djelovanja zakonitosti tržišta.
- (5) O radu i poslovanju Preduzeća vode se poslovne knjige u skladu sa Zakonom.
- (6) Preduzeće je dužno za svaku poslovnu godinu, u skladu sa važećim zakonskim propisima, sastaviti periodični obračun i završni račun.
- (7) Preduzeće donosi opće i druge akte u skladu sa Zakonom.
- (8) Preduzeće donosi trogodišnji plan poslovanja koji na godišnjem nivou razmatra i u slučaju potrebe isti revidira i usaglašava.

DIO OSMI - PROGRAMSKI SAVJET**Član 34.
(Programski savjet)**

- (1) Radi ostvarivanja i zaštite interesa javnosti u kreiranju i utvrđivanju programa, Preduzeće obrazuje programski savjet (u daljnjem tekstu: Savjet).

- (2) Savjet ima sedam članova, koje imenuje i razrješava Nadzorni odbor, uz saglasnost Regulatorne agencije za komunikacije Bosne i Hercegovine.
- (3) Članovi Savjeta treba da imaju iskustvo u oblasti medija, kulture, nauke i umjetnosti.
- (4) Mandat članova Savjeta traje dvije godine, uz mogućnost reizbora po isteku mandata.
- (5) Način i djelokrug rada kao i izbor članova Savjeta će se bliže odrediti Statutom Preduzeća.

DIO DEVETI - UTVRĐIVANJE I RASPOREĐIVANJE DOBITI I POKRIĆE GUBITKA

Član 35.

(Način utvrđivanja i raspoređivanja dobiti)

- (1) Utvrđivanje prihoda, rashoda i rezultata poslovanja vrši se polugodišnjim i godišnjim obračunom u skladu sa zakonom.
- (2) Dobit koja ostaje Preduzeću predstavlja neto (čistu) dobit. Neto dobit je finansijski rezultat poslovanja Preduzeća u toku poslovne godine, koja se dobije poslije odbitka svih troškova poslovanja i svih davanja po osnovu doprinosa, poreza i drugih finansijskih tereta.
- (3) Odluku o raspodjeli dobiti/dividende donosi Skupština Preduzeća na obrazložen prijedlog Uprave, uz prethodno pribavljeno mišljenje Odbora za reviziju i Nadzornog odbora.
- (4) Preduzeće može formirati statutarne rezerve.
- (5) Statutarne rezerve se formiraju iz dobiti i drugih izvora u skladu sa važećim propisima, a može se koristiti za pokriće gubitka i drugih nepredviđenih troškova u poslovanju na osnovu odluke Skupštine Preduzeća.

Član 36.

(Gubitak poslovanja Preduzeća)

Ako Preduzeće u poslovanju po završnom računu iskaže gubitak, taj gubitak će se prvenstveno pokriti iz sredstava Preduzeća, koja se u skladu sa propisima mogu koristiti za pokrivanje gubitka. Ukoliko se gubitak ne može pokriti iz sredstava Preduzeća, pokreće se postupak u skladu sa zakonom.

DIO DESETI - OPĆI AKTI PREDUZEĆA

Član 37.

(Akti Preduzeća)

- (1) Opći akti Preduzeća su Statut i drugi akti kojima se na opći način regulišu odnosi u Preduzeću.
- (2) Preduzeće je obavezno da u roku od 60 dana od dana donošenja ove Odluke donese Statut Preduzeća usklađen sa odredbama ove Odluke.

DIO JEDANAESTI - TRAJANJE I PRESTANAK PREDUZEĆA

Član 38.

(Trajanje i prestanak Preduzeća)

Preduzeće je osnovano na neodređeno vrijeme i traje dok postoje ekonomski i zakonski uvjeti za njegovo postojanje.

Član 39.

(Prestanak Preduzeća)

Preduzeće prestaje:

- a) odlukom Osnivača i
- b) u slučajevima predviđenim zakonom.

DIO DVANAESTI - NAČIN IZMIRENJA TROŠKOVA OSNIVANJA PREDUZEĆA

Član 40.

(Troškovi osnivanja)

- (1) Osnivač snosi sve troškove u vezi sa osnivanjem i početkom rada Preduzeća, koji ne ulaze u osnivački kapital Preduzeća.
- (2) Potrebna sredstva za aktivnost iz stava (1) ove Odluke osigurat će se iz Budžeta Kantona, na poziciji Ministarstva.

Član 41.

(Posljedice neuspjelog osnivanja)

Troškove neuspjelog osnivanja snosi Osnivač.

**DIO TRINAESTI - PRIJELAZNE I ZAVRŠNE
ODREDBE****Član 42.
(Primjena zakona)**

Na pitanja koja nisu regulisana odredbama ove Odluke shodno se primjenjuju odredbe Zakona o javnim preduzećima u Federaciji Bosne i Hercegovine i Zakona o privrednim društvima.

**Član 43.
(Imenovanje na kraći period)**

- (1) Vlada Kantona će putem Ministarstva u roku od 30 dana od dana stupanja na snagu ove Odluke, imenovati na kraći period, a najviše na tri mjeseca, predsjednika i članove Skupštine Preduzeća i u istom roku utvrditi prijedlog kandidata za predsjednika i člana Nadzornog odbora.
- (2) Skupština Preduzeća dužna je u roku od 15 dana od dana imenovanja izvršiti imenovanje predsjednika i člana Nadzornog odbora.
- (3) Nadzorni odbor je dužan u roku iz stava (2) ovog člana imenovati direktora Preduzeća na kraći period, a najviše na tri mjeseca, uz saglasnost Vlade Kantona.
- (4) Nadzorni odbor je obavezan u roku od 60 dana od dana imenovanja donijeti opće akte za provođenje ove Odluke i utvrditi unutrašnju organizaciju i sistematizaciju radnih mjesta.
- (5) Direktor Preduzeća imenovan na kraći period je ovlašten za vođenje poslovanja i zastupanje Preduzeća i prijavu za upis osnivanja Preduzeća u sudski registar poslovnih subjekata.
- (6) Direktor iz stava (5) ovog člana pripada pravo na osnovnu mjesečnu neto plaću utvrđenu posebnim aktom Vlade Kantona.
- (7) Administrativno-tehničke poslove iz ovog člana do osnivanja Preduzeća obavlja Ministarstvo.

**Član 44.
(Osnov upisa u sudski registar)**

Ova Odluka predstavlja osnivački akt na temelju kojeg će se izvršiti upis Preduzeća u sudski registar.

**Član 45.
(Ravnopravnost spolova)**

Odredbe ove Odluke odnose se podjednako na lica muškog i ženskog spola, bez obzira na rod imenice upotrijebljen u tekstu Odluke.

**Član 46.
(Izmjene i dopune Odluke)**

Izmjene i dopune ove Odluke vrše se po istoj proceduri kao i donošenje iste.

**Član 47.
(Stupanje na snagu)**

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-12720/25
Datum, 30.06.2025. godine
Zenica

PREDSJEDAVAJUĆI

Čazim Huskić, s.r.

667.

Na osnovu člana 37. stav (1) tačka f) Ustava Zeničko-dobojskog kantona, u vezi sa članom 21. Zakona o ustanovama („Sl. list R BiH“, broj: 6/92, 8/93 i 13/94) i člana 23. Zakona o socijalnoj zaštiti, zaštiti civilnih žrtava rata i zaštiti porodice sa djecom-Prečišćeni tekst („Službene novine Zeničko-dobojskog kantona“, broj: 4/25) Skupština Zeničko-dobojskog kantona na 41. sjednici održanoj dana 30.06.2025. godine, donosi

O D L U K U

**o davanju saglasnosti na Odluku o promjeni naziva
Javne ustanove Centar za djecu i odrasle osobe s
posebnim potrebama Zeničko-dobojskog kantona u
Javna ustanova Centar za djecu i odrasle osobe sa
teškoćama u razvoju Zeničko-dobojskog kantona**

**Član 1.
(Predmet)**

Daje se saglasnost na Odluku o promjeni naziva Javne ustanove Centar za djecu i odrasle osobe s posebnim potrebama Zeničko-dobojskog kantona u Javna ustanova



Broj: 12-02-7306-9/26
Zenica, 07.05.2026. godine

ZENIČKO-DOBOJSKI KANTON
URED PREMIJERA
- n/r premijera

STRUČNA SLUŽBA VLADE
- n/r sekretara

PREDMET: Dopuna materijala, dostavlja se

Poštovani,

U prilogu akta dostavljamo dopunu materijala dostavljenog aktom broj: 12-02-7306-8/26 od 7.5.2026. i u prilogu dostavljamo Obrazac Izjave o fiskalnoj procjeni (Obrazac IFP NE).

U prilogu dostavljamo:
- Obrazac Izjave o fiskalnoj procjeni (Obrazac IFP NE)

S poštovanjem,

Dostavljeno:

2 x Naslov,
1 x a/a.

Akt pripremio:
Elmedin Bašić



OBRAZAC IZJAVA O FISKALNOJ PROCJENI

Obrazac IFP NE

A 1. Obrađivač propisa

Razdjel	KOD	NAZIV
19		Ministarstvo za prostorno uređenje, promet i komunikacije i zaštitu okoline Zeničko-dobojskog kantona

B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Odluka o izmjenama i dopunama Odluke o osnivanju Javnog preduzeća Televizija Zeničko-dobojskog kantona					

C 3. Izjava o nepostojanju dodatnih fiskalnih efekata predloženog propisa

Za donošenje Odluke o izmjenama i dopunama Odluke o osnivanju Javnog preduzeća Televizija Zeničko-dobojskog kantona nisu potrebna dodatna sredstva u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26).

D 4. Pečat i potpis odgovornog lica

Adnan Šabani

Mjesto i datum
06.05.2026. godine

